

«Саусақ ұшындағы әлем» тақырыбындағы республикалық интернет-байқауды қашықтықтан өткізу ережелері

1. Жалпы ережелер

1. Мектепке дейінгі, жалпы орта, қосымша, техникалық және кәсіптік білім беру ұйымдарының білім алушылары арасында қашықтықтан өткізілетін «Саусақ ұшындағы әлем» тақырыбындағы республикалық интернет-байқауының (бұдан әрі - Байқау) ережелері оның мақсатын, міндеттерін және тәртібін анықтайды.

2. Мақсаты: дарынды, талантты балалар мен жастарды анықтау және қолдау, бейнелеу өнері арқылы олардың қабілеттері мен шығармашылық әлеуеттерін дамыту.

Міндеттері:

балалар мен жастардың шығармашылық қабілеттерін дамыту және іске асыру;

балалар мен жастардың шығармашылық әлеуетін дамыту;

балалар мен жастардың қиял және фантазиясын ашу;

балалар мен жастардың көркемөнер қабілеттерін дамыту.

3. Байқауды Қазақстан Республикасы Білім және ғылым министрлігінің «Республикалық қосымша білім беру оқу-әдістемелік орталығы» РМҚК өткізеді.

4. Байқаудың ұйымдастырушылары әділ қазылар алқасы мен ұйымдастыру комитетінің құрамын қалыптастырады.

2. Байқауды өткізу мерзімі және тәртібі

5. Байқау жұмыстары электронды түрде **2017 жылғы 6 наурыз 21 сәуірге дейін rumcd01konkurs@bk.ru** электронды поштасына қабылданады.

2017 жылға 21 сәуірден кейін түскен, сондай-ақ талаптарға сәйкес келмейтін байқау материалдары қарастырылмайды.

Байқаудың қорытындысы, жеңімпаздардың дипломдары, қатысушылардың сертификаттары, жеңімпаз балалардың жетекшілеріне алғыс хаттар **2017 жылғы 4 мамыр www.ziyatker.org** сайтында орналастырылады.

6. Байқауға ұсынылған жұмыстар қайтарылмайды. Байқауды ұйымдастырушылар авторға сілтеме жасай отырып, байқау материалдарын БАҚ құралдарында жариялауға құқылы.

7. Байқауға қатысу үшін әр жұмысқа **1500 (бір мың бес жүз) теңге** төлемақы төленеді.

Төлемақы барлық банк немесе Қазпошта бөлімшелерінде келесі реквизиттер арқылы жүргізіледі:

«Республикалық қосымша білім беру оқу-әдістемелік орталығы» РМҚК
(резидент).

БанкЦентрКредит АҚ
Иик KZ91856000005068448
БИК КСJBKZKX
БИН 990140004733
Кбе 16.
КНП – 859.

Төлемақының мақсаты: «Саусақ ұшындағы әлем» байқауы. Байқауға қатысушының (жіберуші) фамилиясын міндетті түрде көрсету қажет.

8. Байқауға қатысу үшін **rumcdolkonkurs@bk.ru** электронды поштасына келесі құжаттар жіберілуі тиіс:

- 1) қосымшаға сәйкес толтырылған өтінім;
- 2) сканерден өткізген төлемақы құжаты немесе төлем тапсырмасы;
- 3) электронды түрдегі байқау жұмысы.

3. Байқау талаптары

9. Байқауға жалпы орта, қосымша, техникалық және кәсіптік білім беру ұйымдарының 4-17 жас аралығындағы білім алушылары қатысады.

Байқау келесі жас санаттары бойынша жүргізіледі:

- 1) 4-6 жас;
- 2) 7-10 жас;
- 3) 11-14 жас;
- 4) 15-17 жас.

10. Байқау келесі номинациялар бойынша жүргізіледі:

- 1) кескіндеме;
- 2) графика;
- 3) компьютерлік графика.

Ұсынылатын тақырыптар:

- 1) «Ата қоныс – алтын мекен»;
- 2) «Мәңгілік Ел - болашағы біртұтас ұлт»;
- 3) «Қазақстанның өткеніне саяхат»;
- 4) «Экспо - 2017»;
- 5) «Қазақ халқының дәстүрі мен салттары»;
- 6) еркін тақырып.

Ресімдеуге қойылатын талаптар: Байқауға кез-келген техниканы (фломастер, гуашь, акварель, бор, балауыз боры, тушь, пастель, қарындаш, және т.б.) пайдаланып салынған суреттердің фотолары (фото немесе сканерленген жұмыстар) қабылданады. Сонымен қатар, графикалық редакторларда (Adobe Photoshop, Paint және т.б.) жасалған жұмыстар қабылданады. Жұмыстың форматы - А4, паспартусыз.

Байқауға жеке және ұжымдық жұмыстар қабылданады.

11. Бағалау өлшемшарттары:

- байқаудың тақырыбына сәйкестігі;
- суреттің сапасы, орындау шеберлігі;
- шығармашылық жұмысты орындаудағы өзіндік ерекшелігі, бояудың ашықтығы мен анықтылығы;
- жұмыстың эстетикалық ресімделуі;
- жасына сай болуы.

12. Байқауда бір қатысушы бір немесе бірнеше номинацияға қатыса алады. Әр қатысушыдан әр номинацияға бір жұмыс қабылданады. Әр номинацияға жеке жұмыс ретінде жеке ақша төленеді.

13. Байқау жұмысының титул парағында келесілер көрсетіледі:

- облысы, аудан (қала), ауылы;
- білім беру ұйымының аталуы;
- байқау және номинациясының аталуы;
- автордың аты-жөні;
- қатысушының жасы;
- e-mail, байланыс құралдары;
- жеткешісінің аты-жөні.

14. Бөгде адамдардың материалдарын және Интернет желісінен алынған материалдарды пайдалануға тыйым салынады. Байқау жұмыстары бұрын басқа сайтта жарияланбаған болуы тиіс.

4. Байқауды қорытындылау

14. Байқаудың қорытындысы бойынша қазылар алқасы жеңімпаздарды анықтайды.

15. Байқау жеңімпаздары I, II, III дәрежелердегі дипломдармен марапатталады, орын алмаған қатысушыларға сертификат беріледі.

Байқау жеңімпаздарына дипломдардың, қатысушыларға сертификаттардың, жеңімпаздардың жетекшілеріне алғыс хаттардың электронды нұсқалары www.ziyatker.org сайтында мына сілтеме бойынша <http://www.ziyatker.org/#!/-c10hg> жүктеп алу мүмкіндігімен орналастырылады. Анықтама телефоны: +7 (7172) 249 306 («Саусақ ұшындағы әлем» байқауы).

Дипломдарды, сертификаттарды, алғыс хаттарды жүктеп алудың нұсқасы: www.ziyatker.org → Бастапқы бет → Республикалық іс-шаралар → «Саусақ ұшындағы әлем» байқауы → әрі қарай).